



**Aningaasaqarnermut Nunanullu Allanut  
Naalakkersuisoq**

**Aningaasaqarnermut Ataatsimiititaliap suliaraq nr. 01.31.06/06-00179 pillugu pingasunngornermi ulloq 9. august 2006-imi aalajangiinera pillugu Naalakkersuisunut ilisimatitsineq.**

(Naalakkersuisut Siulittaasuata ulloq 20. juli 2006-imi aalajangiinerani imm. 1)

**Peqqinnissamut tunngatillugu suliassanik nuussineq – Nuussinissamut sillimmatinik appaaneq**

Naalakkersuisut **inassutigaaat**,

- kontomi pingaarnermi 80.00.10-mi, Sanaartugassanut Iluarsagassanullu Aningaasaateqarfimmiit utertitanut tunngasumi, 1.150.000 kr.-it isertitatut ilanngunneqassasut, kontomi pingaarnermi 86.60.01-imi, Peqqinnissaqarfimmut tunngasumi suliassaq nr. 110.47.004-mut, Qasigiannuani napparsimmaviup iluata iluarsanneqarnissanut tunngasumut aningaasaliissutit 1.150.000 kr.-inik appartinneqartussaammata.
- Kontomi pingaarnermi 86.60.01-imut, Peqqinnissaqarfimmut tunngasumut 2.550.000 kr.-it aningaasaliissutitut ilanngunneqassasut, taakkulu ima agguarneqassasut; suliassaq nr. 060.47.026-mut, Nuummi USK-imi atuarfiup kigutileriffianut tunngasumut 1.150.000 kr.-it aamma suliassaq nr. 180.47.029-mut, Tasiilami napparsimmaviup allanngortiterneqarnissaanut tunngasumut 1.400.000 kr.-it.
- Kontomut pingaarnermut 80.00.01-imi, nuussinissamut sillimmatinut tunngasumi, aningaasaliissutit 1.400.000 kr.-inik appartinneqassasut.

**Aningaasaqarnermut Ataatsimiititaliap oqaaseqaatai**

**Konto pingaarneq 86.60.01 Peqqinnissaqarfik**

Naalakkersuisut isummernissaannut tunngavissiami ima allassimasoqarpoq; ”*Kiisalu sanasut akornanni ulappunnerujussuaqarpoq (Akisunerulissutissaq 0,3 mio. kr.-inik missiliorneqarpoq)*”

Taama allassimasoqarneranut tunuliaqutaasoq erseqqinnerusumik nassuiaatigineqassasoq kiisalu tassunga atatillugit aningaasatigut missiliuutit kissaatigineqarput.

Naalakkersuisut isummernissaannut tunngavissiami ima aamma allassimasoqarpoq; ”*Ilassutitut aningaasaliissuteqarnissaq akuerineqanngippat suliassaq unittoortussaavoq, aammalu kigutileriffimmi piisutsit inatsisinik unioqqutitsiviusut iluarsisariaqartullu ajornerulertussaapput.*”

Pissutsit inatsisinik unioqqutitsiviunerarneqartut erseqqinnerusumik nassuiaatigineqarnissaat kissaatigineqarpoq.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuersissutigine-qarput.**

Tamatumunnga peqatigitillugu apeqqutit siuliani allassimasut Naalakkersuisunit kingusinnerpaamik ulloq 22. august 2006-imi akineqarnissaat ataatsimiititaliamit qinnutigineqassaaq. Naalakkersuisut akissuteqaataat kalaallisut danskisullu taamatullu qarasaasiakkut uunga nassuteqquneqarpoq: [nch@gh.gl](mailto:nch@gh.gl).

Inussiarnersumik inuulluaqqusillunga

Ellen Christoffersen  
Aningaasaqarnermut Ataatsimiititaliap siulittaasua